



मस्तयुगु नितिं बाइबल  
न्हाब्बया

परमेश्वरं फुक्क चिज  
दय्कादिल



चवमि: Edward Hughes

किपा: Byron Unger; Lazarus; Alastair Paterson

न्हयव्व:म्ह: Bob Davies; Tammy S.

भाय् ह्यूम्ह: Mr. Prem Maharjan

पिकाक: Bible for Children

[www.M1914.org](http://www.M1914.org)

©2023 Bible for Children, Inc.

अनुमति पौ: थव सत्य बाखं सितिकं इना बीत जक थुकिया  
खँव:त कायेफु, अले छापय् यायेगु नितिं अनुमति नं ब्यूगु  
ख: तर थव सफू ध्यबा कया मिइत मखु।



झितः सुनां दय्कादिल? परमेश्वर वचन  
बाइबलय् मनू जातिया शुरू गुकथं जुल  
धकाः धयातःगु दु। यक्व न्हापा परमेश्वरं  
मनू दय्कादिल अले  
वयागु नां आदम

तयादिल।



परमेश्वरं आदमयात बँय्यागु धुलं दय्कादिल ।  
परमेश्वरं आदमयाके जीवनया सासः पुयाबी  
धुंकाः व म्वाःम्ह जुल । अले वयात अदन  
धाःगु बांलाःगु बगँचाय्  
तयादिल ।



परमेश्वरं आदमयात दय्कादी न्ह्यः तसकं  
बांलाःगु चिजं जाःगु न्ह्याइपुसे च्वंगु संसार  
दय्कादिल । छगू छगू यानाः परमेश्वरं डाँडात  
व माथं वंगु बँ, नस्वावःगु स्वांत व

ततःमागु सिमात  
अले थी ...



... थी रंगयापिं झंगः पंक्षीत व भुँइ भुँइ हाला  
व्वयाः जुइपिं हात, लखय् म्हितिपिं ह्वय्ल  
न्या व खासात दय्कादिले। धात्थें धायेगु  
खःसा परमेश्वरं संसारय् दइगु फुक्क

चिजत दय्कादिल-  
फुक्क चिज।



दक्वसिबय् न्हापां, परमेश्वरं छुं नं चिजत  
दयके न्ह्यः, परमेश्वर बाहेक  
मेपिं सुं नं मदु। सुं मनू, छुं  
थाय् वा छुं चिज नं  
मदु। सुं नं मदु। तुयु  
जः व खिउंगु मदु।  
डाँडा व न्हसिकाप  
मदु। म्हिगः व कन्हय नं  
मदु। परमेश्वर जक दी गुम्हय्सिया छुं नं  
शुरू मदु। अनंलि परमेश्वरं ज्या यानादिल।



दक्वसिबय न्हापां परमेश्वरं आकाश  
व पृथ्वी सृष्टि यानादिल ।






अले पृथ्वी बां मलू, अले  
शून्य। न्यंकभनं  
खिउंसे चवं।  
परमेश्वरं  
धयादिल

– “तुयुगु जः दये मा।”



अले तुयुगु जः दत। परमेश्वरं जःयात 'न्हि'  
अले खिउयात 'चा' धकाः नां तयादिल। चा  
फुनाः सुथ जुल। थुकथं छन्हु जुल।



निन्हुया दिनय् परमेश्वरं महासागर, समुद्र  
तालया लःयात आकाशया क्वय् मिलय्  
यानाः तयादिल। स्वन्हुया दिनय् परमेश्वरं  
धयादिल--“अले गंगु बँ खने दयेमा।”

अले अथे हे जुल।



परमेश्वरं फुक्क कथंयागु घाँय्मा, पुसा  
दइगु अन्नमा व थःथःगु कथंयागु  
पु दइगु सिमा बुइमा  
धकाः आज्ञा

बियादिल ।



अले अथे हे जुल। चा फुनाः सुथ जुल।  
थुकथं स्वन्हु जुल।



अनंलि परमेश्वरं सुर्य व तिमिला  
अले सुनानं ल्याःखाय  
मफय्क नगुत द्य्कादिल।  
चा फुनाः सुथ जुल।  
थुकथं प्यन्हु जुल।



अनंलि परमेश्वरं  
जीवजन्तुत, न्या व  
झंगःपंक्षीत द्य्कादिल ।  
न्यान्हुया दिनय् वयकलं  
तसकं तःधिपिं व मिखां  
न्ह्याय्मदुपिं चिधिकःपिं  
न्यात, ताहाकःगु तुति  
दुपिं अष्ट्रिच व खुसिइ  
जुया ब्वया जुइपिं  
ब्वः द्य्कादिल ।




परमेश्वरं पृथ्वीया लख्य  
म्हितिपिं फुक्क कथंया  
न्यात व बय्, समुद्रय् व  
आकाशय न्ह्याइपुक  
ब्बयाजुइपिं झगःपंक्षित  
दय्कादिल। चा  
फुनाः सुथ जुल।  
थुकथं न्यान्हु जुल।






अनंलि परमेश्वरं हाकनं न्वंवानादिल।  
वय्कलं धयादिल, “पृथ्वीई जीव जन्तुत  
दयेमा ...” अले दक्व कथंया पशुत, कीत  
व घिस्रय जुइपिं जन्तुत सृष्टि जुल। बँ हे  
संकीपिं किसित व लखय् च्वनिपिं फुक्क  
कथंया जन्तुत खने दत।



न्यासी चाया जुइपिं माकत व तःधिकःपिं  
गोहीत। डलंबीत व खराचात। तःधिकःपिं  
जिराफत व ग्यानापुक हालिपिं भउचात।  
अले परमेश्वरं फुक्क कथंयापिं जीव जन्तुत  
दय्कादिल। चा फुनाः सुथ जुल।  
थुकथं खुन्हु जुल।



परमेश्वरं खुन्हुया दिनय् मेगु छगू तः धंगु ज्या  
यानादिल – गुगु तसकं मदयकं मगागु खः ।

आः फुकक चिजत मनूया नितिं तयार जुल ।

मनूया नितिं बँय् नयेगु  
नशा व ग्वाहालि याइपिं  
पशुत दत । अले  
परमेश्वरं धयादिल  
“मनूयात झीपिं  
थें हे ...



... च्वंक व झीगु हे रूवाःलसि वय्क दय्के ।  
इमिसं पृथ्वीया फुक्क चिजयात अधिकार  
यायेमा ।” थुकथं परमेश्वरं मनूयात

थःगु हे रूवाःलसि वय्क  
दय्कादिल । परमेश्वरयागु  
हे रूवाःलसि वय्क  
वय्कलं इमित  
दय्कादिल ।



परमेश्वरं आदमयात  
धयादिल, “छं  
बगैचाय् च्वंगु छु  
य व न। तर भिंगु  
व मभिंगु ज्ञान बीगु  
सिमाया फल धाःसा  
नये मते। व सिमाया  
फल नल धाःसा छ  
धात्थें हे सी।”




अले परमप्रभु परमेश्वरं धयादिल-- “मनूयात  
याकःचा च्वनेगु बांलाः मजू। जिं वयात  
ग्वाहालि याइम्ह छम्ह पासा  
दय्काबी।” परमेश्वरं आदमया  
न्ह्यःने फुकक कथंया  
झंगःपंक्षित व जीव

जन्तु हयादिल।



आदमं उपिं फुक्कसिगु नां तल। वं  
तसकं चलाख जुया व ज्या यात। तर उपिं  
झंगःपंक्षित व जीव जन्तुतय्गु  
दथुइ आदमयात ल्वःम्ह  
धाःसा छम्ह हे मद्दु।



परमेश्वरं मनूयात छुं हे मचाय्क न्ह्यः  
वय्काबिल। अले वयागु बपि क्वय्यं छपु  
लिकयाः परमेश्वरं मिसा  
छम्ह दय्कादिल। थुकथं  
परमेश्वरं दय्कादीम्ह  
मिसा आदमया  
निंतिं तसकं  
ल्वःम्ह  
कलाः जुल।





परमेश्वरं खुन्हुया दिनय् फुक्क  
चिजत दयकादिल। अनंलि परमेश्वरं  
न्हय्न्हुया दिंयात आशिष बियादिल  
अले वयात विश्रामया दिन  
यानादिल।



अदनया बगैंचाय् आदम व वया कलाः  
हव्वा परमेश्वरया आज्ञा मानय यायां  
खुसि जुयाः च्वन। परमेश्वर इमि  
मालिक, फुकक चिज जुतय्  
यानादीम्ह व इमि पासा  
जुयादिल।



परमेश्वरं फुक्क चिज द्युकादिल

मस्तयुगु निंतिं बाइबलया खँ न्ह्यब्बेया थ्व  
परमेश्वनरया बचन बाइबलपाखें काःगु  
सत्य बाखं खः गुगु

उत्पत्ति १-२  
द्यालय् लुइकेफु

“छिगु वचन थुइकाबीबलय् जिमित जः दइ।”  
भजनसंग्रह ११९:१३०



कवचाल



बाइबलया थव सत्य बारुं नं झी अजुचायापुम्ह  
परमेश्वरया बारे कनाबी सुनां झीतः दय्कादिल। छं  
वय्कःयात म्हसिमा धकाः वय्कलं इच्छा यानादी।

झीसं मभिं गु ज्यात यानागु दुसा परमेश्वरं सिइका कायेफु  
गुकियात वय्कलं पाप धयादिल। पापया सजाँय मृत्यु खः,  
तर परमेश्वरं झीतः यक्वः माया यानादिल ताकि झीगु पापया  
निंतिं क्रूसय् सीना दुःख कष्ट फयेत वय्कलं थः याकः काय्  
येशू प्रभुयात थव संसारय् छवयाहयादिल। हाकनं येशू प्रभु  
म्बानाः झायादिल अले स्वर्गय् थःगु छँ झायादिल। थौं झीसं  
प्रभु येशूयात विश्वास यात धाःसा झीगु पाप क्षमा यायेत  
वय्कःयाके बिन्ती यात धाःसा वय्कलं झीगु पाप क्षमा  
यानादी। अले वय्कः झीगु नुगलय् दुहांझायादी  
अनंलि झीपिं सदां वय्कः नापं हे च्वनाच्वनी।



छुं जुयाः छं थ्व सत्या खः धकाः

विश्वास यानागु खःसा परमेश्वरयात थथे धकाः  
प्रार्थना याः यःम्ह प्रभु येशू, छि हे परमेश्वर खः, जिगु  
पापया निंतिं सीनादीत छि मनू जुयाः थ्व संसारय् झाल  
अले हाकनं स्वन्हु दयकाः म्वानाझाःगु खः धकाः जिं  
विश्वास याये। दयायाना जिगु जीवनय् झायादिसँ अले जिगु  
पापत क्षमा यानादिसँ ताकि जिं न्हूगु जीवन काये फयेमा  
अले न्ह्याँबले छि नापं हे च्वना च्वने फयेमा। छिगु आज्ञा  
मानय् यायेत व छिगु सन्तान जुइत छिगु निंतिं म्वायेत  
जितः ग्वासहालि यानादिसँ। आमेन।

न्हिया न्हि थं बाइबल ब्वनेगु या अले परमेश्वर नापं  
खलाबला या। यूहन्न ३:१६

